

اتوار 21 جون، 2020

مضمون۔ انسان نوں شامل کر کے، کیہ سنسار ایٹمی توانائی نال بنیا اے؟

سنہری متن: متی 23 باب 9 آیت

”تے دھرتی اُتے اپنکے نوں پیونہ آکھو کیوں جے تہاڈا پیواک ای اے جیہڑا اسمانی اے۔“

جوابی پڑھائی: اعمال 17 باب 22 توں 28 آیتاں

22۔ پولوس نے اریو پیگس وچ کھڑے ہو کے آکھیا اے: ”تھنھے والیو! میں ویکھداواں پئی تسی ہر گل وچ دیوتاواں نوں بوہت منن والے او۔“

23۔ ایس لئی میں سیر کرن تے تہاڈے معبوداں اُتے غور کرن دے ویلے اک اجیہی قربانگاہ وی دیکھی جیدے اُتے لکھیا سی پئی نہ معلوم رب لئی۔ ایس لئی جنہوں تسی بغیر جانن دے پوجدے او میں تہانوں اوہدی خبری دیناں واں۔

24۔ جیس رب نے جگ تے اوہدیاں ساریاں شیواں نوں بنایا اوہ اسمان تے دھرتی داما لک ہو کے ہتھ دے بنائے ہوئے مندران وچ نہیں رہندا۔

25۔ نہ کسے دا محتاج ہو کے بندیاں دے ہتھوں خدمت لیندا اے کیوں جے اوتے آپ ساریاں نوں حیاتی تے  
ساہ تے سب کجھ دیندا اے۔

26۔ تے اوہنے اک ای اصل نال بندیاں دی ہر اک قوم ساری دھرتی اُتے رہن نوں پیدا کیتی تے اوہدیاں  
معیاداں تے سکونت دیاں حداں مقرر کیتیاں۔

27۔ تاں جو رب نوں لبھن۔ شاید ٹٹول کے اوہنوں پان ہر چند اوہ ساڈے وچوں کسے توں دور نہیں۔

28۔ کیوں جے اوہدے وچ ای اسی جیوندے تے ٹردے پھر دے تے موجود آں۔ جیویں تہاڈے شاعر اں  
وچوں وی کجھ نے آکھیا پئی اسی تے اوہدی وی نسل آں۔

درسی وعظ

بائبل وچوں

1۔ ایوب 33 باب 4 آیت

4۔ رب دی روح نے مینوں بنایا اے تے قادر مطلق دادم مینوں حیاتی دیندا اے۔

## 2- یسعیاہ 44 باب 23، 24 آیتاں

- 23- اے اسمانو! گاؤ پئی خداوند نے ایہہ کیتا اے۔ اے اسفل دھرتی لکار۔ اے پہاڑ و اے جنگل تے اے سب  
رُکھو گیت گاؤ کیوں جے خداوند نے یعقوب داندیہ دتا اے تے اوہ اسرائیل وچ اپنا جلال ظاہر کرے گا۔
- 24- خداوند تیر اندیہ دین والا جسے رحم وچوں ای تینوں بنایا تیج آکھدا اے پئی میں خداوند ساریاں دا خالق و اں  
میں ای کلاہ اسمان نوں تانن والا تے دھرتی نوں وچھاؤن والا آں کون میرا شریک اے؟

## 3- یسعیاہ 45 باب 2، 3، 12، 13 (توں: آیتاں)

- 2- میں تیرے اگے اگے چلاں گاتے ناہموار تھاں نوں ہموار بنا دیواں گا میں پتل دے بوہیاں نوں ٹوٹے ٹوٹے  
کراں گاتے لوہے دے بینڈاں نوں وڈھ دیواں گا۔
- 3- تے میں ظلمات دے خزانے تے لکھ مکاناں دے دھینے تینوں دیواں گا پئی توں جانیں پئی میں خداوند  
اسرائیل دارب و اں جسے تینوں نال لے کے بلایا اے۔
- 12- میں دھرتی بنائی تے اوہدے اُتے انسان نوں پیدا کیتا تے میں ای اسمان نوں تانیا تے اوہدے سارے  
لشکراں اُتے میں ای حکم کیتا۔
- 13- میں اوہنوں صداقت وچ برپا کیتا اے میں اوہدیاں ساریاں راہواں نوں ناہموار کراں گا۔

#### 4- پیدائش 16 باب 1 (توں): آیت

1- تے ابراہام دی جڈھی سارائی دے کوئی اولاد نہ ہوئی۔

#### 5- پیدائش 17 باب 1، 2، 5، 6، 15، 17، 19، 21 (میری) آیتاں

1- جدوں ابراہام نڑنویں ورھیاں داہو نیاتند خداوند ابراہام نوں نظر آیتے اوہنے آکھیا میں خدائے قادر واول۔ توں میرے حضور ٹرتے کامل ہو۔

2- تے میں اپنے تے تیرے وچکار عہد کراں گاتے تینوں بوہت ودھانواں گا۔

5- تے تیراناں فیر ابراہام نئیں اکھوائے گا بلکہ تیراناں ابراہام ہووے گا کیوں جے میں تینوں بوہت ساریاں قوماں دا پو بناتا اے۔

6- تے میں تینوں بوہت برومند کراں گاتے قوماں تیری پیڑی وچوں ہوون گیاں تے بادشاہ تیری اولاد وچوں برپا ہوون گے۔

15- تے رب نے ابراہام نوں آکھیا پئی سارائی جیہڑی جڈھی اے توں اوہنوں سارائی نہ آکھیں۔ اوہداناں سارہ ہووے گا۔

16- تے میں اوہنوں برکت دیواں گاتے اوہدے توں وی تینوں اک پتر دیواں گا۔ یقیناً میں اوہنوں برکت دیواں گاپی قوماں اوہدی نسل وچوں ہوون گیاں تے عالم دے بادشاہ اوہدے وچوں ہوون گے۔

17- تدا ابراہام نے سر سٹیا تے ہس کے جی وچ آکھن لگیا کیہ سوورھیاں دے بڈھے توں وی کوئی بال ہووے گا تے کیہ سارہ توں جیہڑی نوے ورھیاں دی اے اولاد ہووے گی؟

19- تدر ب نے آکھیا پئی بے شک تیری بڈھی سارہ دے تیتھوں پتر ہووے گا توں اوہداناں اضحاق رکھیں تے میں اوہدے نال تے فیر اوہدی اولاد نال اپنا عہد جیہڑا ہمیشہ دا اے کراں گا۔

21-۔۔۔ میں اپنا عہد اضحاق نال کراں گا جیہڑا اگلے ورھے ایسے مقرر ویلے اُتے سارہ توں پیدا ہووے گا۔

## 6- پیدائش 21 باب 1 توں 3، 5 آیتاں

1- تے خداوند نے جیویں اوہنے آکھیا سی سارہ اُتے نظر کیتی تے اوہنے اپنے وعدے دے مطابق سارہ نال کیتا۔  
2- تے سارہ حاملہ ہوئی تے ابراہام لئی اوہدی اڈھیڑ عمری وچ اوہ سے مقرر ویلے وچ جیدا ذکر ررب نے کیتا سی اک پتر ہوئیا۔

3- تے ابراہام نے اپنے پتر داناں جیہڑا اوہدے توں سارہ دے پیدا ہوئیا سی اضحاق رکھیا۔

5- تے جد اوہد پتر اضحاق پیدا ہوئیا تے ابراہام سوورھیاں دا سی۔

## 7- ایوب 38 باب 3 توں 7، 31، 32 آیتاں

3- بندے وانگر ہن اپنی کمر بنھ لے کیوں جے میں تیتھوں سوال کرداواں تے توں مینوں دس۔

4- توں کتھے سی جد میں نیور کھی؟ توں سیانا ایں تے دس۔

5- کیہ تینوں پتا اے پئی کنسے او ہدی ناپ ٹھہرائی؟ یا کنسے او ہدے اُتے سوت کھچیا؟

6- کیس شے اُتے او ہدے نیور کھی گئی؟ یا کنسے او ہدی نمردا پتھر بٹھایا۔

7- جد صبح دے ستارے مل کے گاؤندے سی تے رب دے پتر خوشی نال لکار دے سی؟

31- کیہ توں عقدِ ثریا نوں بنھ سکد ایں یا جبار دے بندھن نوں کھول سکد ایں؟

32- کیہ توں منطقہ البروج نوں اوہناں دے ویلیاں اُتے کڈھ سکد ایں؟ یا بنات النعش دی اوہناں دیاں

سہیلیاں دے نال راہبری کر سکد ایں؟

## 8- ایوب 37 باب 16، 17، 23 آیتاں

16- کیہ توں بدلاں دے موازنے نوں جان دا ایں؟ ایہہ او ہدے ای حیرت والے کم نیں جیہڑا علم وچ کامل  
اے۔

17- جد دھرتی اُتے ہوادے پاروں سناٹا ہندا اے تے تیرے کپڑے گرم کیوں ہو جاندے نیں؟

23- اسی قادر مطلق نوں پانسئیں سکدے۔ اوہ قدرت تے عدل وچ شاندار اے تے انصاف دی فراوانی وچ ظلم  
نئیں کرے گا۔

## 9- مرقس 3 باب 7، (یسوع) 8 آیتاں

- 7- تے یسوع اپنے چلیاں دے نال جھیل ول ٹر گیا تے گلیل توں اک وڈھا جتھا اوہدے مگر آگیا تے یہودیہ۔  
8- تے یروشلیم تے دو میہ تے یردن دے پار صورتے صیدا دے آلیوں دوالیوں اک وڈھا جتھا ایہہ سُن کے  
پئی اوہ کیسے وڈھے کم کردالے اوہدے کول آیا۔

## 10- مرقس 4 باب 35 توں 41 آیتاں

- 35- او سے دن جد شام ہوئی تے اوہنے اوہناں نوں آکھیا پئی آؤ پار چلئے۔  
36- تے اوہ جتھے نوں چھڈ کے اوہنوں جیس حال وچ اوہے سی کشتی اُتے نال لے گئے تے اوہدے نال ہور  
کشتیاں وی سی۔  
37- تد بڑی ہنیری چلی تے چھلاں کشتی اُتے ایہھے تیکر آئیاں پئی کشتی پانی نال بھری جا رہی سی۔  
38- تے اوہ آپ پچھلے پاسے گدی اُتے سو رہیا سی۔ تد اوہناں نے اوہنوں جگا کے آکھیا اے استاد تینوں کوئی فکر  
نئیں پئی اسی مر رہے آں؟  
39- اوہنے اٹھ کے ہوانوں ڈانٹیا تے پانی نوں آکھیا ساکت ہو۔ زک جا! فیر ہوا بند ہو گئی تے بڑا سکون ہو گیا۔  
40- فیر اوہنے آکھیا تسی کیوں ڈردے او؟ ہلے تیکر ایمان نئیں رکھدے؟  
41- تے اوہ بوہت ڈر گئے تے آپس وچ آکھن لگے پئی ایہہ کون اے پئی ہوا تے پانی وی ایہدا حکم من دے  
نیں؟

## 11- عاموس 5 باب 1 (توں کلام)، 8 آیتاں

1-۔۔۔ تسی ایس کلام نوں سنو۔۔۔

8- اوہ ای ثریاتے جبار تاریاں دا خالق اے جیہڑا موت دے پر چھانویں نوں مطلع نور تے روز روشن نوں شب دیکھو رہنا دیندا اے تے سمندر دے پانی نوں بلاؤندا تے دھرتی اُتے پھیلاؤندا اے جیہڑا خداوند اے۔

## سائنس تے صحت

1- 23-9:516

رب ساریاں شیواں نوں اپنی شبیہ اُتے بناؤندا اے۔ حیاتی وجودیت نال، سچائی راستی نال، رب نیکی نال منعکس ہندا اے، جیہڑے اپنی سلامتی تے استقلال نوں عنایت کردے نیں۔ محبت، بے غرضی نال معطر ہو کے، ساریاں نوں خوبصورتی تے لونال نہواؤندی اے۔ ساڈے پیراں بیٹھاں کاہ خاموشی نال آکھدی اے پئی، ”حلیم دھرتی دے وارث ہوون گے۔“ معمولی قلوب دی جھاڑی اپنی مٹھی خوشبو اسمان ول گھلدی اے۔ وڈھی چٹان اپنا پر چھانواں تے پناہ دیندی اے۔ سورج دی لوچرچ دے گنبد وچوں چمکدی اے، قید خانے اُتے ڈگدی اے، بیمار دے کمرے وچ پیندی اے، بھٹلاں نوں روشن کردی اے، دھرتی دے منظر نوں سوہنا بناؤندی اے، دھرتی نوں برکت دیندی اے۔ انسان، اوہدی شبیہ اُتے بنائے جان نال پوری دھرتی اُتے

بائبل دا ایہ سبق پلین فیلڈ کرچن پرچ، آزادولوں تیار ہویا اے۔ ایہ کنگ جیمز بائبل دیاں آیتاں تے میسری سیکریٹری دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوسیاں لازمی تفسیراں نال بنیائے۔



رب دی حاکمیت دا پرچھانواں بن داتے ملکیت رکھدا اے۔ بندہ تے بڑھی ہمیشہ لئی رب دے نال ابدی تے ہم عصر، جلالی خوبی وچ لا محدود مادہ پر رپر رب دی عکاسی کردے نہیں۔

2 - 28-509:16

(Translate from Here)

رب سنسار نوں بناؤندا تے آباد کردا اے۔ روحانی فہم دی لو بس لا متناہی دی چمک دیندی اے، ایہتھے تیکر پئی نیوولا خلا دی لا محدودیت ول اشارہ کردے نہیں۔ نام نہاد معدنیات، سبزی تے حیوانی مواد ہن عارضی نہیں یا مادی ڈھانچہ نہیں جنہاں ایہہ اوس ویلے سی جد ”سویر دے تاریاں نے اکٹھیاں گیت گایا سی۔“ سیان نے ”ہلے تیکر کھیت دا کوئی پودا“ نہیں لایا سی۔ روحانی عروج دے دور سیان دی تخلیق دے موسم تے دن نہیں جنہاں وچ خوبصورتی، عظمت، پاکیزگی تے بے گناہی، ہاں الہی فطرت انسان تے کائنات وچ کدی نہ مکن لئی ظاہر ہندے نہیں۔

3 - 8-6:295

رب سنسار نوں، جیہدے وچ انسان وی شامل اے، بناؤندا اے تے اوہدے اُتے حکومت کردا اے، ایہہ سنسار روحانی خیالاں نال بھریا ہو گیا اے، جنہاں نوں اوہ تیار کردا اے، تے اوہ اوس سیان دی فرمانبرداری کردے نہیں جیہڑی اوہناں نوں بناؤندی اے۔

## 4- 332:4 (ماں پو)۔8

الوہیت لئی مادر پدر نام اے، جیہڑا اوہدی روحانی مخلوق دے نال اوہدے پیارے رشتے ول اشارہ کردا اے۔  
جیویں پئی رسول نے ایہناں لفظاں وچ ایہہ ظاہر کیتا جنہاں نوں اک چنگے شاعر دی منظوری نال لیا گیا  
ہووے: ”ایس لئی پئی اسی وی اوہدی اولاد آں“۔

## 5- 21-12:257

سیان خیالاں وچ اپنے آپ دی شبیہ پیدا کردی اے، تے خیال دا مواد غیر ذہین مادے دے فرضی مواد توں  
بوہت دور اے۔ ایس لئی سیان دا پو مادے دا پو نہیں اے۔ مادی حساں تے انسانی تصور روحانی خیالاں دا ترجمہ  
مادی عقیدیاں وچ کرن گے، تے آکھن گے پئی تشبیہاتی رب، لا متناہی اصول دی بجائے، دو جے لفظاں وچ،  
الہی محبت مینہ دا پو اے، ”تریل دے قطرے جیدے توں پیدا ہوئے،“ جیہڑا ”منطقۃ البرون جنوں اوہناں  
دے ہتھوں کڈھ سکدا اے“ تے ”بنات النعش دی اوہناں دیاں سہیلیاں دے نال“ رہبری کر سکدا اے۔

## 6- 32-25:547

سنسار دا، انسان سمیت، اصلی نظریہ مادی تاریخ وچ نہیں بلکہ روحانی ترقی وچ اے۔ الہامی سوچ سنسار دے اک مادی، جسمانی تے فانی نظریے نوں ترک کر دی، تے روحانی تے لافانی نوں اپناؤندی اے۔

ایہہ کلام دارو روحانی فہم ای اے جیہڑا انسان نوں بیماری تے موت توں اچالے جاندا اے تے ایمان نوں ودھاؤندا اے۔

7- 18-1:119

جدوں اسی مبہم روحانی قوت نوں دے چھڈ دے آں، یعنی کہ، جدوں اسی ایہہ کم اپنے نظریاں وچ کر دے آں، تے بیشک اسی مادے نوں جو کجھ ایہہ نہیں رکھدیاں نہیں رکھ سکدا اوہدے نال اصل وچ چھڈ نہیں سکدے، اسی قادر مطلق توں مکر دے آں، کیوں جے ایہج دے نظریے دونوں وچوں اک ول لے کے جاندا نہیں۔ یا تے ایہہ مادے دے اپنے ارتقا تے اپنی حکمرانی دی پیش قدمی کر دے نہیں یا فیر ایہہ فرض کر دے نہیں پئی مادا روح دی پیداوار اے۔ ایس دوہری اوکھل دی پہلی ٹاہنی نوں چھڈناں تے اپنے تے اپنے وچ مادے نوں طاقت دے طور تے کرنا، خالق نوں اوہدی بنائی ہوئی کائنات وچوں خارج کرن دے برابر اے؛ جد کہ ایس دوہری اوکھل دی دوجی ٹاہنی نوں اپنانا تے رب نوں مادے دے خالق دے طور تے اہمیت دینا، نہ صرف اوہنوں ساریاں تباہیاں، جسمانی تے اخلاقی، داذمہ وار بناؤنا ایں، بلکہ اوہنوں ایہناں دا وسیلہ بن دے طور تے مشہور کرنا وی ایں، تے ایس طراں اوہنوں قدرتی قانون دے بیٹھاں تے شکل وچ لگاتار بد نظمی نوں جاری رکھن دا قصور وار بناؤنا ایں۔

اک لحاظ نال رب فطرت دے نال مطابقت رکھدا اے، پر ایہہ فطرت روحانی اے تے مادے وچ ظاہر نہیں  
کیتی گئی۔

8- 16-12:171

انسان نوں شامل کر کے سنسار اُتے سیان دی حکمرانی اک کھلا سوال نہیں رہیا بلکہ ایہہ منی جان والی سائنس  
اے۔ یسوع نے بیماری تے پاپ توں شفا دیندیاں ہوئے تے موت دی نیوں نوں نیست کر دیاں ہوئے الہی  
اصول تے لافانی سیان دی طاقت نوں بیان کیتا۔

9- 24-23:151

الہی سیان جنسے انسان نوں بنایا اپنی صورت تے شبیہ نوں قائم رکھدی اے۔

10- 30-26:134

یسوع نے آکھیا ”میںوں تے پتاسی پئی تو ہمیشہ میری سُن دا ایں“؛ تے اوہنے لعذر نوں زندہ کیتا، طوفان نوں روکیا، بیمار نوں شفا دتی، پانی اُتے ٹریا۔ ایہتھے مادے دے مقابلے وچ روحانی قدرت دی برتری اُتے یقین رکھن دا الہی اختیار اے۔

## 11- 31-14:124

سنسار نوں، انسان وانگر، ایہدے الہی اصول، رب، ولوں سائنس دے راہیں واضح کیتا جانا چاہیدا اے، تے فیر ایہنوں سمجھیا جاسکدا اے، پر جدوں ایہنوں بدنی حساں دی نیوں اُتے واضح کیتا جاند اے تے بڑھوتری، بالغی تے زوال دے بیٹھاں ہندویاں ہوئے پیش کیتا جاند اے، تے سنسار، انسان وانگر، اک معمہ بن جاند اے تے ایہنوں جاری رکھنا چاہیدا اے۔

مگر ٹرنا، ملنا، تے دلکشی سیان دیاں ملکیتاں نیں۔ ایہہ الہی اصول نال تعلق رکھدے نیں، تے ایہہ خیالی قوت دی تعدیل دی حمایت کردے نیں، جنہے دھرتی نوں ایہدے مدار وچ چھڈیا تے آکڑ والیاں چھلاں نوں آکھیا، ”ایہتھے تیکر پراگے نیں۔“

روح ساریاں شیواں دی حیاتی، مواد تے لگاتاری اے۔ اسی طاقتاں دے پیراں مگر ٹردے آں۔ ایہناں نوں چھڈ دیئے تے مخلوق نیست ہووے گی۔ انسانی علم ایہناں نوں مادے دیاں طاقتاں آکھدا اے، پر الہی سائنس ایہہ واضح کردی اے پئی اوہ پورے طور تے الہی سیان دے نال تعلق رکھدیاں نیں تے ایس سیان وچ میراث رکھدیاں نیں، تے ایہناں نوں اوہناں دے جائز گھرتے درجہ بندی وچ بحال کردیاں نیں۔

## 12- 32-24:121

جھتے تیکر نظام شمسی دا تعلق اے، سورج مرکزی سکوت اے، تے دھرتی سورج دے دوالے اک سال وچ  
چکر لاؤندی اے، ایہدے نال نال ہر روز اپنے مدار وچ وی گم دی اے۔

جیویں کہ واضح کیتا گیا اے، فلکیاتی ترتیب الہی اصول دے عمل دی تقلید کر دی اے؛ تے سنسار رب دا  
پر چھانواں، روحانی اصلیت دے کول لے جاندا اے، تے الہی سائنس دے نال ترتیب دتا جاندا اے جیویں پئی  
سنسار دی ازلی حکومت وچ ظاہر کیتا گیا اے۔

## 13- 17-9:503

الہی اصول تے خیال روحانی ہم آہنگی، اسان تے ابدیت، بناؤندے نیں۔ سچائی دے سنسار وچ، مادا گنام  
اے۔ غلطی دے ہنیرے توں الہی سائنس، یعنی رب دا کلام ایہہ پئی ”رب کل ودا حاکم“ اے تے از لوں  
موجود پیار دی لو سنسار نون روشن کر دی اے۔ ایس لئی ہمیشہ دا عجوبہ، پئی لا متناہی خلار ب دے خیالاں نال  
آباد اے، جیہڑا بیشار روحانی شکلاں نال اوہدی عکاسی کردا اے۔

## 14- 17-16:331

رب دے سنسار وچ ہر شے اوہنوں ای ظاہر کر دی اے۔

## روزانہ دے فرض

میری بیکرا ایڈی دلوں

## روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

## مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کر دا اے، تے اک مسیحی سائنسدان پاپ نوں رد کر دیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں

سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین  
توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

## فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے  
رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں  
اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔